



ՀԱՅՈՑ ԵԿԵՂԵՑԻ

Մ Ա Յ Ր Ա Թ Ո Ռ

Հունվար 1-ին Ամանորի առթիվ Մայր Տաճարում Ս. Պատարագ մատուցվեց:

Պատարագին էր Տ. Սահակ ծայրագույն վարդապետը, որը և ավուր պատշաճի քարոզ խոսեց: Ս. Պատարագից հետո կատարվեց Հայրապետական հանդիսավոր մաղթանք:

Պատարագից հետո Մայր Աթոռի Միաբանությունը ներկայացավ Վեհափառ Հայրապետին՝ իր շնորհավորանքը մատուցելու նոր տարվա առթիվ:

Հունվարի 5-ին, Ճրագալույցի երեկոյան Մայր Տաճարում Ս. Պատարագ մատուցվեց:

Պատարագին ներկա էր Վեհափառ Հայրապետ Տ. Տ. Գևորգ Զ:

Պատարագում էր Տ. Սահակ ծայրագույն վարդապետը, որը և ավուր պատշաճի քարոզեց:

Հունվարի 6-ին, Ս. Մենդյան տոնի օրը, Մայր Տաճարում Ս. Պատարագ մատուցվեց և տեղի ունեցավ Զրօրհնյաց հանդեսի արարողությունը ժողովրդի հոծ բազմության ներկայությամբ:

Տաճարում ներկա էր Վեհափառ Հայրապետը:

Օրվա պատարագին էր Գեր. Տ. Սուրեն Եպիսկոպոսը, որը և ավուր պատշաճի քարոզեց:

Ամանորի և Ս. Մենդյան տոնի առթիվ Վեհափառ Հայրապետի անունով շնորհավո-

րական բազմաթիվ հեռագրեր են ստացվել. իրանց թվում Տանն Կիլիկիո Տ. Տ. Գարեգին և Կաթողիկոսից, Երուսաղեմի Պատրիարք Տ. Կյուրեղ Բ Արքեպիսկոպոսից, Ստամբուլի Պատրիարքական Տեղապահ Տ. Գևորգ Արքեպիսկոպոս Արսլանյանից, ՍՍՖ Միության ու արտասահմանի թեմերի Առաջնորդներից:

Փետրվարի 5-ին, Ս. Վարդանանց դարավարաց և 1036 վկայից տոնի օրը, Մայր Տաճարում Ս. Պատարագ մատուցվեց:

Պատարագին ներկա էր Վեհափառ Հայրապետը:

Պատարագում էր Տ. Սահակ ծայրագույն վարդապետը: Պատարագիչ Հոր ավուր պատշաճի քարոզից հետո հոգեհանգիստ կատարվեց ազգի ու հավատի համար նահատակվածների հիշատակին:

Ս. Վարդանանց տոնի օրը Հոգևոր ճեմարանում երեկույթ կազմակերպվեց:

Երեկույթին ներկա էր Ամենայն Հայոց Վեհափառ Հայրապետ Տ. Տ. Գևորգ Զ:

Երեկույթին ներկա էին նաև Մայր Աթոռի Միաբանության անդամները, Հոգևոր ճեմարանի դասախոսները և բազմաթիվ հյուրեր:

Օրվա նյութի շուրջը ընդարձակ զեկուցումով հանդես եկավ ճեմարանի դասախոս Ռ. Ալիշանյանը: Բանախոսեցին Մայր Աթոռի Միաբանության անդամներ Տ. Սահակ ծայրագույն վարդապետ Տեր-Հովհաննիսյանը և Տ. Կարապետ վարդապետ Ասլամազյանը:

Ճեմարանի մի շարք սաներ հանդես եկան տոնին նվիրված ինքնուրույն հակիրճ զեկուցումներով:

Համերգային բաժնում ելույթ ունեցավ Ճեմարանի երգեցիկ խումբը՝ երաժշտադեսո Դանիել Ղազարյանի ղեկավարությամբ և Տեր-Նիկողայոս քհ. Բավեյանի գործոն մասնակցությամբ: Ճեմարանի մի շարք սաներ հանդես եկան արտասանություններով և մեներգների կատարումով:

Վերջում Վեհափառ Հայրապետը իր գոհունակությունը հայտնեց երեկույթի կազմակերպման առթիվ և ջերմ, խորախուսական ու դաստիարակիչ խոսք ուղղելով սաներին՝ օրհնեց նրանց:

Վերջերս «Ս. Էջմիածնի Հիմնադրամի Լոնդոնի Կեդրոնական Հանձնաժողով»-ի անդամ է ընտրվել Պ. Չարլզ Պետրոսի Զորաբու Այս մասին իրազեկ դարձնելով Ն. Ս. Օծություն, խնդրել էին Նրա համաձայնությունը: Ն. Ս. Օծություն Պատրիարք-Կաթողիկոս Ամենայն Հայոց Տ. Տ. Գևորգ Զ, Հայրապետական Կոնդակով տրված 1948 թ. 26 փետրվարի, հաճեց «Ս. Էջմիածնի Հիմնադրամի Լոնդոնի Կեդրոնական Հանձնաժողով»-ի անդամ հաստատել Պ. Չարլզ Պետրոսի Զորաբուին, իր գոհունակությունն արտահայտելով նրա միաձայն ընտրության առթիվ:

Վերջերս «Ս. Էջմիածնի Հիմնադրամի Լոնդոնի Կեդրոնական Հանձնաժողով»-ի անդամ է ընտրվել Պ. Ռոբերտ Գևորգի Միքայելը: Այս մասին իրազեկ դարձնելով Ն. Ս. Օծություն, խնդրել էին Նրա համաձայնությունը: Ն. Ս. Օծություն Պատրիարք-

Կաթողիկոս Ամենայն Հայոց Տ. Տ. Գևորգ Զ, Հայրապետական Կոնդակով տրված 1948 թ. 29 փետրվարի, հաճեց «Ս. Էջմիածնի Հիմնադրամի Լոնդոնի Կեդրոնական Հանձնաժողով»-ի անդամ հաստատել Պ. Ռոբերտ Գևորգի Միքայելին, իր գոհունակությունն արտահայտելով նրա միաձայն ընտրության առթիվ:

Հարգելով «Ս. Էջմիածնի Հիմնադրամի Լոնդոնի Կեդրոնական Հանձնաժողով»-ի միջնորդությունը, Պատրիարք-Կաթողիկոս Ամենայն Հայոց Տ. Տ. Գևորգ Զ, Հայրապետական Կոնդակով տրված 1948 թ. 20 փետրվարի, հաճեց Լոնդոնի «Արգարյան Տրեստ»-ի ավանդապահ հաստատել «Ս. Էջմիածնի Հիմնադրամի Լոնդոնի Կեդրոնական Հանձնաժողով»-ի անդամ Պ. Սարգիս Քյուրքճյանին, իր գոհունակությունն արտահայտելով նրա թեկնածության առաջադրման առթիվ:

Գեր. Տ. Սուրեն Նպիսկոպոս Թորոսյանը Աղրբեջանի ու Թուրքեստանի թեմի Առաջնորդի պաշտոնով մեկնեց իր պաշտոնատեղին:

Նրկարատե հիվանդությունից հետո, Թրի-լիսիում փետրվարի 13-ին վախճանվեց Թրիլիսիի թեմի նախկին առաջնորդական փոխանորդ Տեր-Սահակ ավագ քահանա. Սահակյանը՝ 78 տարեկան հասակում:

Փետրվարի 17-ին տեղի ունեցավ թաղումը: Թաղմանը ներկա էին բացի հայ հոգեվորականներից, նաև վրաց և ռուսաց եկեղեցիների ներկայացուցիչները:

